

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: E Piti Toata i te Matahiti.

Nu. 12

Ditema 1935

Mat. 29

*Ia vai hua na te parau a te Mesia i roto ia outou ma te ite
papu atoa ra; i te haapiiraa e te a'oraa te tahi i te tahi, ma
te salamo, e te himene, e te sire a te varua, ma te haamaitai i
roto i to outou aau i te Fatu. Kolosa 3: 16.*

Te Paraoa Pane.

I TE tahi anotau i mairi ae'nei te parahi ra te hoê
vahine ruau i te fenua ra i Baratane. E vahine
huru ruau e te veve hoi; aore ana e moni, e aore hoi e fare
maitai; aita ana e fenua e aita roa e hoa. E moni rii ta'na
tei roaa mai ia'na na roto i te raveraa i te ohipa ninoraa, e
ua navai taua moni ra ei hoo i te hoê tufaa rii maa e te ahu
huru faufaa ore.

Area râ, e hoê mea faufaa rahi ta taua vahine veve ra,
oia hoi e Bibilia. E Bibilia huru rahi ia e te au maitai hoi.

E nea oti maitai ia'na te tai'oraa o taua buka ra, no te mea i nenei faa-rahi-hia te mau parau i roto ra. E mea papu roa ia'na te mau parau i roto i te Bibilia, e e mea papu te mau faaueraa e te mau ture a te Fatu. E veve e te ite ore noa'-tu taua vahine ra, ua oti e ana ia'na te tai'oraa i te mau ture e te mau faufaa atoa hoi i roto i te Parau a te Atua.

E mea atea roa te fare pureraa i to'na vahi parahiraa, no reira aita oia i haere pinepine i te mau pureraa ra, ua papu noa râ ia'na te mau ture e to te Atua hinaaro ia'na ra.

E eiâ anei oia? Eita roa'tu oia e na reira pohe noa'tu oia i te poia. E haavare anei? Aore roa ia. I ite na oia e, e mea hape roa te reira mau huru mea. E taparahi anei i te taata? Eita. Aita roa hoi ia ohipa i au i taua vahine ruau ra. *E te mau mea'toa ta outou i hinaaro ia vetahi e ra, e na reira atoa'tu outou ia ratou ra.* O to'na ia faaroo.

I te tahi nau mahana i muri mai ra ua ite oia i te hoê tamarii tamaroa fanau apî tei faaruehia i pihaiiho i te hoê anavai. Rave maira taua vahine ruau ra i teie nei tamaroa iti fanau apî ra, afai atura i to'na vahi parahiraa, faaamu atura ia'na. Tupu ihora taua tamaiti, riro ihora ei tamaiti itoitoe e te maitai hoi e ua riro oia ei haamaitairaa rahi roa no taua vahine ruau ra.

Ua mata taua vahine ra i te haapii atu i te pure i taua tamaiti ra, e i muri mai, ua oti i taua tamaiti ra te tai'oraa i te Parau i papaihia i roto i te Bibilia, oia hoi te Parau a te Atua. Teie te maa i horoahia i taua tamaiti ra, maori râ te te umara e te tihopu e ua navai roa ia no te pae tino; e te Parau a te Atua ra, e maa maitai ia no te paeau varua ra e tupu ihora taua tamaiti ra i te maitai.

I te ahuru ma piti raa o to'na matahiti rave ihora oia i te ohipa rii. Tupuhia ihora oia i te hinaaro i te rave i te ohipa rahi ia huru rahi a'e te moni e noaa mai, parau atura

oia i to'na metua vahine faaamu, na ô maira: "E tau metua te hinaaro nei au e imi i te tahi ohipa huru maitai a'e ia noaa mai te moni e navai no te hoora i te maa maitai e te fare maitai atoa hoi na taua ra. Te mana'o nei au e, e mea maitai a'e ia'u ia haere vau i te oire rahi ra, oia hoi i Lonedona. E haere au i reira e imi i te ohipa moni rahi; eita oe e moe ia'u, na'u e haponono mai i te moni ia oe, e ia rahi rii ta'u moni, e ho'i mai au i ônei ia oe ra."

Tupuhia ihora taua vahine ruau ra i te oto, no te mea, aita oia i hinaaro ia taa-ê i ta'na tamaiti; i muri mai ra, mana'o ihora oia e, e riro paha e, e mea tia ia haere taua tamaiti ra i te oire rahi. Ia poipoi a'era rave ihora te tamaiti i to'na mau ahua, tuu ihora i roto i te hoê pute. Horoa'tura to'na metua vahine i te tahi mau faraoa monamona na'na. Farai atura oia i te haamaitairaa a to'na metua vahine, faarue atura i te utuafare e haere atura i te oire rahi.

Ia mairi a'era e toru mahana i te tereraa, tae a'era taua tamaiti ra, (o Hiu to'na i'oa) i te oire ra o Lonidona. Ua rohirohi roa oia e imi ihora i te hoê vahi taotoraa e tae atura i te hoê fare pureraa, mana'o ihora o Hiu e, e vahi maitai teie no'u ia taoto. E poipoi a'era, ara maira o Hiu e pure atura oia i te Atua; amu ihora i te tufaa rii maa i toe ia'na ra e haere atura oia i te imi haereraa i te ohipa.

Aue ra e! Ua rahi roa te mau tamarii no te oire iho tei imi i te ohipa e e huru maitai roa a'e to ratou ahua e to ratou reo i to Hiu, no reira aita oia i maitihia, ei rave ohipa, i tera vahi, e i tera vahi.

Pau a'era na mahana e piti ra e aore roa e ohipa i roa ia Hiu: pau roa a'era ta'na maa e poia ihora oia. Aore oia i hinaaro i te haere e ani haere i te maa: puai roa'tura to'na poia e taoto a'era oia i te pae purumu e ara maira oia i te poipoi roa no te mea e tiaoro hia e te mau mutoi.

I te poipoi roa ra te hahere noa ra oia na te mau aroa hi'o ihora oia i te hoê pereoo ta puaahorofenua, te tere ra ia i nia i te purumu na mua ia'na ra. Ite ihora o Hiu e, e pereoo teie no te hoê taata tunu faraoa pane, no te mea ua i roa ia pereoo i te faraoa pane tunu apîhia. A tere ai taua pereoo na taua purumu huru hupehupe ra, topa maira te tahi farii faraoa pane, mai nia mai i te pereoo, i te pae avae iho o Hiu. Aita te taata faahoro pereoo i ite e, ua moe ia'na taua faraoa ra. Haru maira o Hiu i taua farii faraoa pane ra, haamata ihora i te afai i te hoê faraoa pane i nia i to'na vaha a amu ai; ua fatata roa a'era te faraoa i to'na vaha faaroo a'era oia i te hoê reo iti nainai i roto ia'na i te na ôraa e, *Eiaha oe e eiâ*. Haamana'o ihora o Hiu i te mau haapiiraa o to'na metua vahine ruau e mana'o ihora oia e, e ere teie faraoa pane i ta'na, na tera ra taata ia.

Horo haavitiviti noa ihora oia na muri i te pereoo, pii haapuai atura i te taata faahoro, faaroo a'era taua taata ra ia'na tapea ihora i te pereoo, na ô atura o Hiu ia'na, "E hoa e, ua topa iho nei teie nei faraoa pane mai nia mai i to oe pereoo, a rave, na oe iho ia."

No to Hiu amu oreraa i te maa e no te mea i horo oioi hoi oia, ua pau to'na aho e ua paruparu hoi oia, fatata roa ihora oia i te topa i raro i nia i te purumu. Hi'o atura taua taata ra ia'na, na ô atura: "E hoa, eaha te peapea ia oe na?" Pahono atura o Hiu ia'na: "Te pohe nei au i te poia no te mea e piti mahana i mairi a'enei aore roa a'u maa i amu." Na ô maira taua taata tunu faraoa ra ia Hiu: "Eaha râ, te pohe nei oe i te poia e te faahoi mai nei oe i teie faraoa ia'u nei? E mea maere te reira huru ia'u nei, e taata râ oe i te maitai; aue hoi e." Pahono atura o Hiu ia'na: "Ua haapii mai tau metua vahine ia'u e, e mea hape roa te reira."

Rave ihora taua taata ra ia Hiu, afai atura oia ia'na i nia i te pereoo, horoa'tura ia'na i te tahi faraoa pane e paia ihora o Hiu. Faaite atura o Hiu i te mea i haere mai ai oia i te oire, oia hoi, te imiraa i te ohipa. Afai atura taua taata tunu faraoa pane ra ia Hiu i ta'na fare toa, faariro ihora ia'na ei tauturu no'na e oaoa roa a'era o Hiu. Aita i maoro noaa maira ta'na moni e i muri mai ua tae to'na metua vahine i pihaiho ia'na i te oire ra. Aita i maoro i muri iho riro a'era o Hiu ei ona no taua fare toa ra; faaipoipo ihora oia e na'na i haapii atu i ta'na ra mau tamarii i te parau mau e te mau ture atoa hoi o tei papaihia i roto i te Buka Mo'a, oia hoi, te Ribilia.

Papaihia e Anderea Sedamana.

Ta Iesu Parabole Hopea.

U A putuputuhia o Iesu e ta'na mau Aposetolo i roto i te hoê vahi i te taime i parau atu ai Oia i ta'na parabole hopea ia ratou tei papaihia i roto i te Mataio 25: 14-30.

14- *E au hoi te Tamaiti a te taata nei i te hoê taata i opua i to'na tere, e ua parau atura i to'na iho mau tavini, tuu atura i ta'na tao'a ia ratou. 15- Tuu atura oia i ta te tahi, e pae ia taleni, e piti ta te tahi, hoê ta te tahi; i tei au atoa i taua na taata ra; reva'tura i to'na tere.*

Eaha te tumu i parau atu ai oia i teie parabole ia ratou maori râ, no te mea e piti noa iho mahana toe e tae atu ai i te mahana Pasa, e i reira o Iesu e tuuhia'i ia faasataurohia, oia hoi, e reva'i oia e e vaiiho ai oia i ta'na mau ohipa atoa i roto i to ratou rima,— e piti na te tahi e e pae na te tahi, mai te au i taua na taata ra.

16- Haere atura i tei rave i na taleni e pae ra, hoo haere atura i taua na taleni ra, e noaa maira na taleni ê e pae ra. 17- Mai te reira atoa tei rave i na taleni e piti ra, e noaa maira na taleni ê e piti. 18- Area tei rave i te hoê ra, haere atura ia, heru atura i te repo, huna ihora i te moni a to'na fatu.

I roto i teie parabole ua horoahia, e te fatu, te tahi mau taleni i to'na mau tavini, oia hoi, e faito moni ia i te reira tan, e ua hinaaro te fatu ia ite, e haapao maitai anei ratou i te taimi i horoahia te tiamâ ia ratou ia tia i ta'na iho tao'a, e no reira ua riro teie horoaraa faufaa ei tamataraa no ta'na mau tavini.

19- E maoro a'era, ho'i maira te fatu o taua mau tavini ra, faaau maira i te parau ia ratou. 20- Ua haere maira tei rave i na taleni e pae ra, hopoi atoa maira i na taleni ê e pae ra, na ô maira, e tau Fatu, e pae a oe taleni i tuu mai ia'u; inaha, teie ia, e na taleni ê hoi e pae i noaa mai ia'u nei. 21- Ua na ô atura tana fatu ia'na, Ua tia roa, e teie nei tavini maitai e te haavare ore; o oe i haapao maitai i tena na tuo'a iti haihai, e faatiaau atu vau ia oe i nia iho i te mea rahi; e haere oe i roto i te oroa oaoaraa a to fatu. 22- Ua haere atoa maira tei rave i na taleni e piti ra * * * 23- * * * ua haapao maitai oe i tena na tuo'a iti haihai, e faatiaau atu vau ia oe i nia iho i te mea rahi. 24- Ua haere maira hoi tei rave i te taleni hoê ra, na ô maira, e tau fatu, ua ite au e e taata iriâ oe, e ere i ta oe i tanu ra e ooti â oe, e ere hoi i ta oe i ueue ra e haaputu â oe; 25- matau a'era vau, haere atura, huna ihora vau i te taleni na oe i raro i te repo: inaha, i faaho'i uai nei â vau i ta oe iho. 26- Ua parau atura tana fatu ia'na, na ô atura, E teie nei tavini ino e te faatau, ua ite oe e e ere i ta'u i tanu ra e ooti â vau, e e ere ta'u i ueue ra e haaputu â vau? Eiaha hoi oe e hopoi i ta'u moni i te hoora ru, e ia tae mai au ra noaa ihora ta'u ma te hoo? 28- A rave mai i ta'na tale-

ni a hopoi atu ai i te taata auahuru a'na taleni ra. E tao'a ta-na ra, e horoahia'tu â ta'na ia rahi; aita a'na ra, e hopoi-ê-hia'tu ia ta'na. 30- E huri atu i taua tavini faufaa ore nei i roto i te pouri i rapae au ra, tei reira te oto e te auaraa niho ra.

I te ho'iraa mai o te Fatu ua mruruuru oia i te na taata tei haapao maitai, noa'tu e pae taleni ta te tahi e e piti noa iho ta te tahi, hoê â to'na haamauruururaa ia raua, oia hoi, ua horoa oia te moni tumu e te apî atoa hoi ia raua. Ua faa hapa râ oia i te taaata tei rave te hoê no te mea aita ta'ua e apî i horoa na to'na Fatu, e i te hopea ua ravehia ta'ua hoê noa iho taleni e na vaiihohia oia ma te aore.

Eaha te tumu aore te hoê i manuia? 1^o- Ua mātāu oia e na to'na mātāu i faatere ia'na. — *Aita to'na e faaroo.* 2^o- Ua tuu oia te tumu no to'na hape i nia i te tahi taata êê, ua na ô maira oia: “E tau Fatu, ua ite vau e e taata iriâ oe, e ere i ta oe i tanu ra e ooti â oe.” 3^o- Ua huna oia i ta'na taleni. Ia huna te taata i ta'na taleni, oia hoi te hoê ite, e a ore ra te hoê maitai, tei horoahia mai, eita e maoro e mi'omi'o e e maimaihia e tae noa'tu e moeroahia ta'na taleni, e e iritihia ia mai ta taua taata ra te huru. Ia faarave ra oia i ta'na taleni i te ohipa e tupu e e faarahihia nai ta na taata toopiti ra i roto i te parabole nei,

No reira, a faarahi tatou i ta tatou mau taleni i horoahia mai e te Atua, e e mairunuru Oia ia tatou ia tae i te mahana hi'opoaraa.

Papahia e Ture Or-metu.

E teie nei, a mana'o te taata ia matou nei, e e tavini ana'e no te Mesia, e e tiaau no te parau moe a te Atua ra. — E teie nei, eiaha e faahapa atea noa; ia tae mai â te Fatu, na'na e tuu i te atea i te mau mea pouri huna-hia nei, e e faaite hoi i te mau feruriraa o te âau taata nei: noaa ihora i te taata atoa te haamaitai no ô mai i te Atua ra i reira. I Korinetia 4:1-5.

Te Reo no raro mai i te Repo.

Te faaroo nei matou e, o te Bibilia ra o te parau mau ia a te Atua ia tia te iritiraa, e te faaroo atoa nei hoi matou e, te Buka a Moromona ra o te parau mau ia a te Atua.

E tuu haehaa-hia oe i raro roa; e mai te mea no raro mai i te repo ta oe parauraa mai: e riirii mai to oe reo mai raro mai i te repo ra: na raro mai i te fenua to oe reo, mai te reo o te auba ra, e ei raro oe i te repo e mutamuta noa mai ai ia parau. Isaia 29:4.

Na roto i te pene 29, ua faaitehia mai, e te Peropheta ra o Isaia, te mau ati e te mau ino te tupu i nia iho ia Ierusalem ra, e ua parauhia taua oire ra o Ariela, te oire tei parahihi e Davila ra, e i muri mai te vai ra te parau tei parauhia no nia iho i te tahi feia ê, e e tupu te mau ati i nia iho ia ratou atoa hoi, mai te huru o te ati o te tupu i nia iho ia Ierusalem ra; e ua tuu atura o Isaia taua tohu i nia iho i taua feia ra, oia hoi te reira parau tei papaihia i te 29:4. Hoê hanere matahiti i muri iho ua parau maira te Peropheta ra o Ezekielia i te tahi parau i papaihia i roto i te pene 37:15-19. Ua tae maira hoi te parau a Iehova ia'u nei, ua ô maira, e rave â hoi oe, e te tamaiti a te taata na, i te hoê raau, a papai ai i nia iho, na Iuda e na te tamarii a Iseraela, o to'na ra mau hoa: e mai reira hoi, a rave ai i te tahi raau, a papai ai i nia iho, na Iosepha, te raau na Epheraima, e te utuafare atoa o Iseraela, o to'na ra mau hoa: a taati atu ai i te tahi i te tahi ia hoê â raau; e ia riro ei hoê i roto i to rima na. E ia parau mai te mau tamarii ra o to oe mau taata ia oe, ia na ô mai e, eita oe e faaite mai ia matou i ta oe parau i tena pue raau? E parau atu oe ia ratou, te na ô maira te Fatu ra o Iehova; inaha, e rave au i te raau a Iosepha, i roto i te rima o Epheraima, e na opu o Iseraela i to'na mau hoa, a tuu atoa'tu ai i te reira i te raau a Iuda, a faariro ai ei raau hoê, e riro hoi ei hoê i to'u nei rima.

O vai te reira na feia e piti? Eaha te raau no Iuda e te raau no Iosepha? No reira, a feruri maitai i nia i teie mau parau i mua nei.

I te pae hopea o te matahiti 700 te parahi ra, i roto i te oire o Ierusalema, te hoê taata, o Lehi to'na i'oa, e huaai hoi oia no Iosepha, e i te reira mau mahana e peapea rahi to taua oire ra, no te mea ua moe i te mau taata te Atua ora o to ratou mau metua, e ua haamata ratou i te haamori i te mau idolo e i te rave i te mau hurn ohipa iino, no reira ua tupu ihoa te mau parau ta Isaia i parau mai.

E no ta ratou mau ohipa iino ua haere o Lehi, e te tañi mau peropheta, i rotopu ia ratou ia tamata i te haapii ia ratou i te parau mau e i te aratai faaahou ia ratou i roto i te maramarama, area ra, aita roa ratou i faaroo i te parau no taua mau peropheta ra e ua taparahi i te tahi pae no ratou.

No reira e uo te mea e taata parau-tia o Lehi, ua tae mai te parau a te Atua ia'na ia rave i to'na utuafare e te te tahi â utuafare, oi hoi, e huaai no Epheraima e te tahi pae no te tahi utuafare, e ia haere i roto i te medebara; e ua haere ihoa o Lehi. II Arii 19:31; Isaia 37:32.

Ua fatata e vau matahiti tei pau, e na roto i te aratairaa a te Atua, ua tae o Lehi ma i to ratou fenua apî, oia hoi o Amerika, e i reira ua tupu ratou i te rahi. II Arii 19:30.

I reira ua noaa mai ia ratou te mau mea maitatai e te tao'a rahi i te mau taima i haapao ai ratou i te mau ture a te Atua, ta te mau peropheta, tei vai i rotopu ia ratou, i haapii atu ia ratou, e te mau parau a te mau peropheta tahito, tei papaihia i roto i te mau buka matamua o te Bibiha e tae noa tu i te buka a Ieremia, e ua haapii atoa te Mesia ia ratou. Ioane 10:16.

Area ra, ua faarue te tahi pae o ratou i te parau a te Atua e ua haere i roto i te medebara, e no ta ratou mau ohipa iino ua roaa ia ratou te iri ereere e te tahi atu â mau utua iino, e ua parau hia ratou i te ati Lamana. Tera ra, aita hoi

i maoro ua haamata te ati Nephi i te haapao ore i te mua ture a te Atua, e i reira ua tupu te peapea i nia iho ia ratou, e na te reira i faaho'i ia ratou i roto i te e'a afaro: area ra, i te hopea aita ratou i haapao faahou i te mau parau a te Atua e i reira ua pau ratou i te ati Lamana i roto i te tahi tamai rahi tei tupu i te hoê vahi i fatata i te tufaa fenua New-York, Amerika.

Te vai ra i reira te hoê aivi tei parauhia o Cumorah, e i roto i taua aivi ra i hunahia'i e Moroni te parau tuatapapa no te ati Nephi, tei papaihia e te mau peropheta mai te tau mai â o Lehi e tae roa mai ia Moroni ra, e ua huna oia i te reira i te taime i haamouhia'i te ati Nephi.

I te matahiti 1827, ua tae mai taua Moroni ra tei huna i taua mau parau tuatapapa ra i roto i te aivi ra Cumorah, i roto i teie nei ao na roto i te tino tahuti ore, e ua horoa mai ia Iosepha SEMITA taua mau parau tuatapapa ra, e na roto i te mana o te Atua, ua iritihia, e Iosepha, taua mau parau tuatapapa ra e ua parauhia te reira te Buka a Moromona, e i reira i tupu ai te parau ra e, *te Reo no Raro Mai i te Repo*, e i reira atoa i tupu ai te parau ta Ezekielia i parau i roto i te pene 37;15-19, oia hoi te raau o Iuda ro te Bibilia ia, e te raau o Epheraima ra o te Buka o Moromona ia e e riro hoi ei hoê i roto i te rima o Iehova. II Nephi 29:8.

Papaihia e Epereta Orometua.

Te Hoe Tere na te Moana.

Te faaite atu nei au i to'u tere, mai Taega i Nihiru, no te Amuiraa. Ua imi vau i te ravea ia tae atu i Nibiru e aita e ravea maorira ia na nia i te vaa o te hoê taata katorika, o Tutere a Tehiva to'na i'oa. I te hora 2 i te ahiahi i te 5 no Eperera ua faarue matou i Taega na nia i taua vaa nainai roa ra, e hoê ahuru ma vau avae te roa e e toru matou i te tereraa. Ua tere matou i taua po ra, e ia tae i te poipoi ua û matou i te matai puai roa

e te miti
reira, e
te ahiahi
e i te 8

I te 9
ua rave
roa. Ua
tou e av
rau e ua
haamata
ri, e te p
ua tuuhi
e tamata
kemo, i
i te mata
tou i Ta

I te
e melo
te farere
mau rav
ni e Am
nua ra ia
ra. E n
oia no te
jesia, i F

e te miti e ua ino te iato i mua, ua ou'a vau i roto i te miti e ua taamu i te reira, e ia oti ua faatere faahou matou e ua tae matou i uta i te hora piti i te ahiahi i te 6 no Eperera, e ua haamata matou i te faatere i te Amuiraa e i te 8 ua faaotihia te Amuiraa.

I te 9 ua ho'i atu matou i Taega, e ua vaiiho matou i te vaa o Tutere e ua rave matou i te vaa o Turatahi o Tapaga; e vaa rahi ia, e 22 avae i te roa. Ua faarue matou i Nihiru i te horo 10, i te 9 no Eperera e aita ta matou e aveia. Ua tere noa matou e ia moe te fenua ua huri te matai i te toerau e ua hape to matou tere, e ia tae i te hora 4 aita hoê fenua i itehia e ua haamata matou i te marô, te parau nei te tahi ua faaruehia te fenua i muri, e te parau nei te tahi te vai nêi te fenua i mua, e no te rahi o te marô ua tuuhia te ie i raro e ua painu noa te vaa. I te hora 4 ua parau vau e, e tamata tatou i te tere i Taega, ua parau mai o Tutere e tere matou i Makemo, i reira aita vau i parau faahou ua tapea vau i te hoe e ua tapiri i nia i te matai e hoê afa hora i muri a'e i to matou tere faahou raa, ua ite matou i Taega i mua mau i te vaa e ua tae matou i uta i te hora 8 i te po.

Papahia e Tahiri a Toriki

TE MAU PARAU API

E Melo oia no te Ekalesia.

I te ava'e no Atopa i mairi a'enei ua haere te taata ra o George CLEYET e melo no te Apooraa Hoo Tao'a no Paris, Farani, i te fenua Amerika no te farereiraa i te mau Feia faatere no te Hau Amerika, no te imiraa i te mau ravea atoa ia maitai a'e te hooraa tao'a i rotopu i na fenua ra o Farani e Amerika. E ere râ te reira ana'e to'na tere; ua haere oia i taua fenua ra ia farerei i to'na tuahine tei noho i Roto Miti i pihaiho i ta'na tane ra. E melo taua taata ra no te Ekalesia a Iesu Mesia, oia hoi e Momoni oia no te Amaa i Paris, e ua faaite oia e te tere noa nei te ohipa o te Ekalesia, i Farani, ma te maitai e te manuia hoi.

E Imihia ia Itehia.

E 7 matahiti i mairi a'enei ua tamata te taata ra o Paul REDFERN i te faatere i to'na pahi reva mai Amerika apatoerau i Amerika apatoa e ua moe roa oia i taua tere no'na ra e ua mana'ohia ua pohe roa oia.

I teie nei ra ua noaa te parau api no'na ra, oia hoi, te vai nei oia i rotopu i te hoê nunaa Inidia, ua haaparuparu hia ra no te mea ua pèpè roa oia i te parariraa o to'na pahi reva. No reira, te opuahia nei, e te tahi mau taata, ia tii ia'na na nia i te pahi reva, e e tauturuhia ratou e te Hau Amerika.

E Ravea api mauui ore.

Ua iteahia e te taote ra o John S. RUDDOCK, no Los Angeles, te hoê ravea api e te mauui ore no te imiraa i te mau ma'i e rave rahi i roto i te tino te taata nei. Taua ravea ra o te hoê ia persicope te tuuhia i roto i te tino o te taata i te vahi mauui e i reira e faaamahia'i te hoê mori uira nainai roa tei vai i mua i te periscope e i reira e iteahia te huru mau o te ma'i i roto i te taata. E ravea faahiahia mau te reira.

Ua roohia raua i te ati.

Ua tae mai te parau api no Honolulu, Vaihi, tei faaite mai e ua faaora hia na taata ra o Eric BISCHOP raua o Joseph TAITBOUST e taata paari no Farani i te parariraa to raua pahi i nia i te aau i Molokai. I to rau tereraa na te moana ua roohia raua i te mau ati e rave rahi e ua pau roa ta raua maa e no te ravea ore ua amu noa raua i te mori hinu, te kari e te pape e tae noa'tu te mahana i parari ai to raua pahi, oia hoi, 15 mahaha i te maoro. E ati rahi mau tera.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.